

1.076

# DISCOVRS

ET PARADOXE DE

L'ORIGINE DE HVGVES CA

pet extraict du differant d'entre

Louys. II. Roy de France & de

Marguerite de Bourgongne.

~~Maries~~

P A R P. De. S.Iulien.



A PARIS,  
Chez Guillaume le Noir Rue  
Saint Iacques.

1585.

F. A. F. De Sijbe

4-11

494

422

11657

# ADV ERTISSEMENT

*Au lecteur.*

**L**E MOT de Paradoxe n'a pas sa signification si ample que quelques vns l'ont voulu estendre. L'exercice en la preuve du faulx, n'est pas bien proprement Paradoxe. Et si certain Italien s'est ingenieusement employé, à faire paroistre vrayes certaines faulses propositions, depuis mises en François : il a r'emporté louange, & reputation d'homme de bon esprit, mais (au reste) le tiltre de son œuvre ne laisse d'estre impertinent. Car (s'il fault rechercher exactemēt la vraye, & propre significatiō du mot de paradoxe, selō qu'il a esté employé par les anciēns Grecs & Latins suyuant le parti des Stoiques on trouuera qu'il ne signifie pas simplement chose contre la commune opinion :



## AVERTISSEMENT

ains vne proposition vraye, qui cause esbaïssement cōme contraire à ce qu'est communement creü: & de laquelle on n'auoit encores ouy parler. Or pour ce que ie maintien ce mien discours de l'origine de Hugues Capet Roy de France, estre vray: & neātmoins cōtre l'opiniō cōmune: ie l'ay nommé Paradoxe. Cela ne vous ay ie voulu celer (amy lecteur) uy faillir à vous supplier, que vous ne vous laissez gagner aux opinions precedentes: ny preoccuper la droiecture de vostre iugement, par ce que plusieurs en peuuent auoir autrement resolu, & determiné. A DIEU.

## De Hugonis Capeti origine

*Est Catoligorū soboles bene certa Capetus:  
Qui negat est Francenescius h'istoria.  
Vos neque Saxonico Germani sanguine cretum.  
Credite sed Francis reddite Francigenam.*

A R E V E R E N D P E R E

*en Dieu Monseigneur*

*Monseigneur François de la Roche  
foucauld, de l'Illustre maison de Rã-  
dan : Euesque de Clermont Abbé de  
Tournus, & Maistre de l'Oratoire du  
Roy.*

**M**ONSEIGNEUR, Ie ne  
fus plustost aduerty de  
vostre promotion a l'E-  
uesché d'Auuergne, dite  
de present de Clermont, que tou-  
ché d'incredible ioye, ie ne pro-  
posasse vous dresser vne congratu-  
lation. Mais soubuenant de la Loy  
des Perses, laquelle defendoit de  
comparoistre deuât son Seigneur  
les mains vuides : & n'ayant en  
prompt chose digne de vous : ie  
me mis à faire recherche par la di-  
uersité de mes memoires, & brou-

## EPISTRE.

illardz, & r'encontrant de fortune  
 ce qu'autrefois j'auois recueilly  
 de l'origine de Hugues. Capet  
 Roy de Frāce (matiere nō inpertinente] en ce temps cy ie me delib-  
 beray en dresser vn discours pour  
 vous en faire humble present. Ie  
 scay que cest argument sera estimé  
 vulgaire: & neantmoins ie puis  
 asseurer que la verité n'en est en-  
 cores publiee: Par les liures imprimez  
 nous en auons trois opinions. La premiere est des Alemans,  
 & de leurs adherantz: qui tirēt Hugues  
 Capet de VVitiKind, quilz  
 estiment Saxon, combien que les  
 mieux aduertiz le maintiēnent Danois.  
 Dantès a deschargé indignement sa cholere,  
 & le despit qu'il auoit conceu contre la maison de  
 France: mais ne trouuans aucuns  
 fauorisantz ce qu'il auoit escrit



parfureur: la honte luy en est de  
meuree. La troisieme & plus mo-  
derne, & soingneusement, & avec  
vne docte diligence deduiete par  
Matheus Zampinus Italien, (qui  
n'ayant trouué plus seures memo-  
res), a adheré à ceux qui tiēēt no-  
stre Capet yssu de Sainct Arnoul  
premierement Marquis de Les-  
cauld, puis Euesque de Metz. Et  
moy (comme le Crito Terentien)  
i'apporte la verité, de laquelle tant  
de gens sont en quete & en con-  
tention. Non que ie m'en vueille  
venter auteur. Ce que i'en dy, est  
tiré des escritures: de defenses du  
Roy Loïs vnzieme, contre la fille  
vnique, & soy disant heritiere vni-  
uerselle de Charles duc de Bour-  
gogne, tué deuant Nancy: Et  
pource.

MONSEIGNEVR que ie scay de

## EPISTRE.

quelle deuotion vous auez tous-  
 iours esté affectonné au seruice de  
 nostre Roy : combien vous auez  
 en singuliere reuerence l'honneur  
 de la Couronne Françoisise : laquel-  
 le reçoit tresillustre augmentatiõ  
 de Noblesse , par continuatiõ  
 de la race de noz Roys, de pere en  
 filz, iusques au trespreux, & inuin-  
 cible Charlemaigne: & q̃ par là est  
 declarée abbusiue ladite preten-  
 due distinction en Carlouinges, &  
 Capuinges: puis que les deux ra-  
 ces ne sont qu'une, adamantine-  
 ment viue & conioincte sans diui-  
 sion: le debuoir que i'ay a vostre  
 seruice, m'a commandé de vous  
 presenter ce mien petit labeur: en  
 esperance que le subiect que ie  
 traicte, se rendant de soy mesme  
 assez Recommandable, fera que  
 vous.




MONSEIGNEUR l'aurez pour  
aggreable : & le receurez (s'il vous  
plaist) d'aussi bon cœur comme  
humblement le vous dedie à Cha-  
lon ce sixiesme iour de May. L'an  
mil cinq cens quatre vingt &  
cinq.

*Vostre treshumble seruiteur*

P. DE *sainct Iulien, Doyen de*  
*Chalon.*

## AVANT PROPOS

OMME tous aages sont coustumiers de produire, & rapporter des nouvelles. Ainsi ceux qui plus modernement ont traité l'histoire Françoisse, ont cuidé se rendre plus agreables au vulgaire (amateur de choses estrangieres: & qui se plaist en motz Aulbains, & moins que naturalisez, s'ilz distinguoient les trois pretādues lignees de nos Roys, en Merouinges, Carlouinges, & Capeuinges. Mais s'ilz eussēt esté aussi soingneux de la recherche du fond de l'histoire comme ilz se sōt amusez a la superficie pour satisfaire aux particularitez auxquelles ilz tendoient: ilz eussent sceù de vray que si ceux qu'ilz nomment autrement Carliens, ne se trouuent asseurement issuz de

masle en masle de Merouee si est  
il bien certain, que Hugues Capet  
(en faueur duquel ce discours est  
dressé) est procedé de pere à filz  
de Charlemaigne. Or confesseray  
ie volontiers, que c'este mienne  
assertion est, & sera trouuée dau-  
tant Paradoxalle, qu'elle est con-  
traire à la commune opinion : &  
que en ce nom elle pourra estre  
estimee temeraire, par quelques  
plus soudains, que legitimes Iu-  
ges. Toutesfois tenant le parti de  
verité, & l'ayant de mon costé (se-  
lon que i'espere faire cognoistre)  
i'estime que toutes gens de biē luy  
adhereront, & presteront plustost  
faueur, & croyance aux historiens  
François, fōdez en tiltres du thre-  
sor de la Couronne de France, que  
aux estrangiers : qui ignorantz le  
plus souuāt leurs propres affaires,



AVANT PROPOS.

se sont meslez de raisonner de  
ceulx d'autrui. EN ceste resolu-  
tion, i'ay mis peine de recognoi-  
stre les ancestres du prenōmé Hu-  
gues Capet:& les ayant recueilly,  
i'en ay dressé le discours suyuant.  
Que ie prie estre aussy aggreable-  
ment receu par ceulx qui le liront  
(si toutes-fois aucun le daigne li-  
re) comme de cœur trefaffe-  
ctionné au bien, hōneur,  
& tranquillité de nostre  
France, ie leur pre-  
sente.



PARADOXE ET NE-  
ANTMOINS DISCOVERS VE-  
ritable , de L'origine & extra-  
ction de Hugues Capet, Roy de  
France.

*Prins des Meslanges paradoxalles de  
Pierre de saint Iulien, de la Mai-  
son de Balleurre , Doyen de Cha-  
lon, &c.*

**E**STANT c'este grande  
machine de l'vniuers  
plaine d'infinies varie-  
tez, lesquelles ont plu-  
stost rai en admiratiō les espritz  
des Philosophes, que ren du con-  
tenez & biē capables de les entēdre:

## L'ORIGINE DE

Celuy me fèble auoir ingenieusement confessé son infirmité, & manifesté la folie, des autres (qui ont pensé sçauoir, & pouuoir dire que c'est que Dieu, qui ne peult estre defini, & moins descrit) quand il a resolu, que le monde estoit Dieu desployé, accompli & ouuert. A la verité toutes choses ont en elles des varietez si incomprehensibles, que tendis que nous sommes enuoloppez des tenebres de ce corps mortel, nous n'en scaurions venir à parfaicte cognoissance. Que si les choses corporelles sont si diuerses, & accompaignees de si obscurs secretz, qu'ilz sont encores (pour la pluspart) cachez au sein de la nature: les passiōs, & affections de l'esprit sont aussi tant differentes,



qu'il ne fut iamais possible de les  
mettre d'accord. a Athenes ( oultre  
les opiniōs de Diagoras, Pyr-  
rho, & Herillus ) les sectes *Pytago-  
rique, Stoïque, Academique, peripate-  
tique, Cinique* & autres, ont eū  
cours en presques mesmes temps.  
Chasqu'une s'estimoit auoir la sci-  
ence & estre fondee en verité : &  
que les autres n'estoient que opi-  
niōs. Et si la Philosophie sest trou-  
uee en ces alteres: il est depuis ad-  
uenū en la Theologie, en la dou-  
ble Iurisprudence, & en la mede-  
cine, mais plus expressement en  
l'histoire, que l'opinion ayt com-  
battu la science : & que le men-  
songe reuestu des habillementz,  
& apparence de verité, se soit  
effrontement présenté pour cel-

# L'ORIGINE DE

le de laquelle il n'auoit que le  
vestement. Dela est aduenue que  
icelle verité, & mensonge sont or-  
dinairement en plus irreconcilia-  
ble controuuerse, que Iupiter, &  
Amphitryo: Mercure, & Sosia en  
la premiere Comedie de Plaute.

C'EST neātmoins chose ordinai-  
re, que les inbuz d'une opinion  
l'embrassent si affectiōnement, que  
de là leurs est aduenue le nom d'o-  
piniaistres. Ia ne soit pourtant que  
ie vueille taxer, & moins iniurier  
personne, par designation de nom  
propre: ny que ie face comme Io-  
seph hebreu a faict, de presque  
tous les historiens Grecz, qui l'a-  
uoient precedé: quand escriuant  
contre Appion Grammarien, il  
s'efforce de les preuuer tous men-  
teurs, & contraires les vns aux au-  
tres.

Av

A v discours que ie dresse, pour  
 mōtrer que hugues Capet Roy de  
 Frāce est de pere à filz descēdu de  
 Charlemagne: ie scay que i'auray  
 maintz contradicteurs: d'autant  
 que ceste partie de l'histoire Fran-  
 çoise negligee plus qu'il n'estoit  
 de besoing, a par quelques plus  
 hardies que veritables scripteurs,  
 esté tant tracassée, qu'elle se trou-  
 ue quasi incertaine, tant elle est  
 embarrassée de diuersité d'opiniōs.  
 Doncques cōme des choses non  
 resolues par l'autorité publique,  
 ou par vnanime consentemēt des  
 anciens(car l'antiquité est digne  
 d'estre reueree) il est licite à cha-  
 cun d'en dire son aduis:ainsy ie ne  
 penseray faire tort à persōne, si ie  
 metz en euidence vne verité que  
 i'estime digne d'estre receuë:&  
 plus honorable que nulle autre,



L' ORIGINE DE  
pour la maison de France.

AVANT toute œuvre, ie ne pense que l'opinion de Dantes Poëte Florentin (quelque paliatiō que luy vueille donner certain annotateur) doiue estre respectee. Je suis certain que tous bien aduertiz iugeront avec plusieurs hommes d'honneur, & de sçauoir, que la cholere, & le despit le feirent ainsy parler: pour se cuider venger de Charles Conte de valois, frere du roy Philipe le Bel: par lequel iceluy Dantes, & ceux de sa faction, dictz les Blancz, furent bannis de Florēce: selon que Raphael de volaterre le recite bien amplement.

CELA premis, ie vien au principal, pour dire qu'il y a eū de tous temps certaine emulation entre les historiens, Annalistes, & Chro-

niqueurs Gaulois , & Allemans :  
laquelle procedant du zele d'illu-  
strer, à qui mieulx mieulx sa patrie  
respectiuement : nous a produit  
infinies irresolutions, voire con-  
trarietez en l'histoire : & nous ont  
brouillé les catalogues de noz  
Roys, & de leurs Empereurs. Les  
Gaulois ( nous disons de present  
Frâçois ) fondez au tesmoignage  
de Cesar, en son sixiesme liure  
des Commentaires de la guerre  
Gallique, ont (comme à pied fer-  
me) maintenu que *iadis vn temps  
fut, que les Gaulois surmontoient les  
Germaines en valeur, & proüesse : &  
sans estre prouoquez, leur faisoient la  
guerre: aussi que pressez de plus gros-  
se multitude de Peuple, que leurs  
territoire n'en pouuoit nourrir ,  
ilz passoient le Rhin & y enuo-  
yèrent des Colonies, qui occuperent*

L'ORIGINE DE

*les lieux plus fertiles des enuiron de  
la forest Hercinie. &c.* Mettoyēt d'a-  
uantage en faiēt, que les princi-  
paulx peuples, desquelz les Gau-  
les furēt repeuplees, apres la liber-  
té Gallique recouuerte, & depuis  
que les Aigles Romains deuin-  
drent Corneilles: notamment les  
François & Bourgongnons (afin  
que ie me taife des autres) estoïēt  
originellement Gaulois: & que  
ce que les Allemans nōment en-  
trees nouvelles és Gaules, pour y  
habiter, ne sont certainement  
que retours es Païs desquelz ilz  
estoient iadis partiz, la difference  
de telles opinions ayant esté de  
plus en plus fortifiée par nouuel-  
les faueurs, que les affectionnez à  
icelles leur ont presté: la verité a  
esté bien souuent estouffee par la  
croyance que les infirmes ont



## HVGVES CAPET.

donné ou à ceulx qu'ilz ont estimé plus scauantz:ou munitz des qualitez qu'ils ont plus eù en reuerēce:ou par admiratiō des choses nouvelles subtilemēt cōtrouuees, & escrites en termes si agreables, qu'entrée vne fois en la partie estimatiue des hommes, elle n'en ont oncques depuis peu estre desplacees.

Si toutesfois iamais tort remarquable fut faiēt à l'histoire Frāçoise par les Allemans,& par leurs adherantz François(plus admirateurs des choses estrangieres, que diligentz protecteurs de l'honneur de leur patrie , & gloire de leurs Roys) ce a esté en la genealogie du Roy Hugues Capet: quand luy originellement François, & yssu en ligne masculine (qu'est à dire de Pere à filz ) du

# L'ORIGINE DE

preux, & tousiours victorieux  
Empereur Charlemaigne (selon  
que nous lesperons verifier] a esté  
dit, & escrit opiniâstremēt, & avec  
vn encre si noir qu'il ne peult  
estre effacé, extrait de la race de  
VVitiKind dit grand, ou premier:  
& estimé Saxon: combien que  
ceulx qui y ont prins garde de  
plus prest, le confessent biē auoir  
esté chief des Saxons, és guerres  
qu'ilz ont eū contre Charlemai-  
gne: mais au reste Danois de race,  
& de naissance.

ENCORES que ceste opinion  
de VVitiKind dit le grand soit cō-  
trouuee, & qu'il ne fut oncques  
originel Saxon: si est elle entree si  
auant en la ceruelle de plusieurs  
[voire incredulles en choses plus  
serieuses] qu'il n'est facile l'en ar-  
racher, ny les ramener à meilleur

aduis. Tout [ iouxt ce que disoit  
Themistocles ] l'art doubliance  
est plus difficile que l'art de me-  
moire. Tant [ de rechief ] la façon  
de laquelle vsoit le musicien Thi-  
motheus Milesien, est bien fon-  
dee en raison: quand il deman-  
doit double salaire aux escoliers  
qui auoient desia apprins soubz  
vn autre maistre, l'vn des salaires  
pour leur desapprendre, & l'autre  
pour les refaçonner a bien iouer  
des Instrumentz.

SURCE [ qui ne prendra mon  
dire autrement que cōme ie l'en-  
tends ] on ne debura chercher oc-  
casion de m'imputer que ie blas-  
me, on medise des historiens Al-  
lemans: ou que ie leurs desnie la  
louange, que leur sçauoir & e-  
ruditiō meritent: il y a trop long-  
tēps que ie suis avec moymesme



L'ORIGINE DE

& me messeroyt maintenāt d'en-  
sortir, pour me refaçōner à la Cy-  
nique, & deuenir mordāt, & mes-  
disant. Mais ( puisque ie suis entré  
en queste de la verité de l'origine  
du Roy Hugues Capet ) ie prie  
ceulx riere lesquelz ie cognois  
qu'elle n'est pas, ne trouuer mau-  
uais si ie la cherche ailleurs.

COMME i'ay congneu en Fran-  
ce plusieurs persōnaiges plus que  
assez diligentz à recueillir toutes  
les nouuelles qu'ils oyoient dire:  
& faire des diaires de tous les  
bruitz qui couroient: puis en fin  
trouuer que leurs Chroniques es-  
toient plus farcies de mensonges,  
que munies de verité: ainsy pense  
ie [ du moins ie crain ] qu'entre  
les Allemans , quelques-vns  
( mesmement les sedentaires ] ne  
nous ayent baillé des nouuelles

de Conuent: & qu'ils ont meslangé leurs recueils de mainte chose, qu'ilz ont les premiers creu estre veritables, puis les ont voulu faire croire à chacun. Ilz sont toutesfois d'autāt excusables, qu'ilz ont fait ce qu'ilz ont peu. Et que sans la diligēce de laquelle ilz ont vſé à assembler & conseruer és librairies de leurs monasteres le plus de liures qu'ilz ont peu, nous n'auiōs pas à presēt la dixiesme partie des anciēns auteurs qui nous sont restez. Vray est que en faisant ces biens là, leur pieté, & la reuerence qu'ilz auoient à la religion Chrestienne, les a poussé à oster de la memoire des hommes les blasphemes, & oultraiges que les Payens auoient escrit contre icelle, & contre les Sainctz de Dieu, qui l'auoient embrassée. Cela nous

## L'ORIGINE DE

peult auoir occasionné les pertes de plusieurs liures entiers, & les defaultz que nous trouuons en d'autres, comme en Tacitus, Ammianus, Marcellinus, & semblables. Et c'est merueille que Suetonius Trāquillus en soit eschappé.

REVENANT à l'opinion que la pluspart des Alemans, & avec eulx gros nombre de François ont, que l'auant nommé VVitiKind doiue faire souche en la genealogie de Hugues Capet. Mathews Zampinus docte, & laborieux personaige, a de telle dexterité d'esprit, & avec tant de bons tesmoignages, accōpagnez d'inuincibles raisōs rēbarré ceste inepte VVitiKindaserie, que les asserteurs d'icelle renuoyez par fins de non receuoir: ie penserois perdre peine, & faire tort aux



diligēces dudit Zampinus, si i'an-  
treprendois de repeter icy, ce qu'est  
desia par luy si bien dit, qu'il n'est  
possible se mieux employer en la  
dictē cōfutatiō. Et quād à ce qu'il  
à tiré nostre Capet de S. Arnoul,  
premierement Marquis de Lef-  
cauld, puis Euesque de Metz: il  
ne là faict, sans auoir des autheurs  
qui l'ont mené en leur opinion.  
Mais i'oserois asseurer, que s'il eust  
leu le plaidoyer faict pour, & au  
nom du Roy Loys xi, cōtrē Mada-  
me l'archiduchesse d'Austriche (le  
quel i'ay prins pour fondemēt de  
ce discours) nous nous fussions  
trouuez d'accord.

EN OVLTRE le Seigneur de  
Pignon referendaire de son Al-  
teze de Sauoye & tresdiligent  
rechercheur des ancestres des  
tresillustres Conte & , Duc

# L'ORIGINE DE

Sauoisiens: enquis à diuerse fois, qui estoit ce VVitiKind, tant souvent perfide à Charlemagne: & qui par vne fierté Septentrionnelle (ie ne veulx abuser du mot de Barbare, lequel i'estime plus concerner le langaige, que les meurs) fait coustume de abiurer la foy Chrestienne, pour retourner à ses idoles: & qui ne peust oncques souffrir patiëmēt d'estre commandé par les François: disoit qu'il en trouuoit le nom en maintz auteurs: mais que les Sieurs Ducz de Saxe ne le reconnoissoient ny pour leur ancestre, ny pour Prince de leur maison: & moins s'auoüoient yssuz de luy. Auffy en la sommaire genealogie des Princes de Sauoye, qu'il a fait imprimer à Turin, combien qu'il face lesdicts Princes descendre de

la maison de Saxe) ce perfide VvitiKind ny est aucunement nommé.

TOUTES-FOIS il fault que ie cōfesse q̄ si ie me fusse fié, & arresté du tout aux liures imprimez, & à l'opiniō cōmune ieusse esté cōprins au nōbre de ceulx qui ont creu q̄ Robert de Bourgōgne Côte d'Anjou, pere de Eudes, ou Oddo ( ces deux motz sont indifferemment employez és histoires, pour vn & mesme personnage ) & bisayeul, de Hugues Capet, estoit extraict de la maison de Saxe. Mais certain naturel instinct y repugnant: ainsi que ie trauaillois d'entiere affection, pour m'en esclarcir: vn mien bon seigneur, & amy, fut aduerti que i'auois vne copie du plaidoyer mis par escrit, & seruant de demande pour Madame Marie de



L'ORIGINE DE  
Bourgogne, Archiduchesse d'Au-  
striche, fille vnique, & en ce nom  
pretendant la totalité de la suc-  
cession de son pere Charles de  
Bourgogne, dernier Duc, & der-  
nier hoir male de ses nom, & ar-  
mes? me pria de le luy communi-  
quer: & en recompense, me pre-  
sta, le contreplaidoyer, & deffen-  
ses, de Loys xi. Roy de Frâce. Du-  
quel i'ay extraict ce que s'ensuyt:  
que i'employe pour fondemēt de  
mon assertiō. Et sur ce prie le lec-  
teur estreaduerti que deslors que  
les François commencerent d'a-  
voir des Roys, ilz eurent aussi des  
Pairs: quoy que l'asignal des Pair-  
ries soit moderne. Au temps des  
premiers Roys la Pairrie n'estoit  
qu'a vie, non attachee au fond, ny  
transmissible aux heritiers.

*Il est vray, & tout potoire, que Sã*

Au son Duc de Bourgongne, & prochain  
parent du Roy Charlemaigne, estoit  
l'un des douze Pairs de Fräce. Apres  
son trespas que fut à Roncevaux) il  
fut apporté à Arles, la ou il fut enter-  
ré, & avec luy Salomō Conte de Len-  
gres. Par le conseil de Naamō Duc de  
Bauieres, & des autres Pairs de Frä-  
ce, ladicte Duché de Bourgongne fut  
renuoyee, & reünie à la Couronne.  
Qu'il soit vray, le Roy Lotaire filz aîs-  
né du Roy Loys debonnaire, en fut sei-  
gneur. Et appanaigé ou appartaigé la  
laisa à Lotaire son filz, qui la bailla  
à Hugues aussi son filz. Pour mieulx  
l'entendre, il est vray que le Roy Loys  
debōnaire eut quatre filz. L'aîsné fut  
Lotaire, le second Loys, le tier Pepin,  
& le quatriesme Charles. Lesquelz a-  
pres grāds differēt, partagerēt l'hoi-  
rie du pere en sorte que lotaire laîsné  
fut Empereur de Rome, & eut tout  
l'Italie, & les basses Alemaignes entre

# L'ORIGINE DE

Le Rhin, & la Meuse: & la Duché de Bourgongne. Loys eut la Germanie, en ce comprins Autriche, Bauieres, & toutes les haultes Allemaignes Charles eut le Royaume de Frãce, borné par riuieres, mers, & montaignes: & en ce comprins ce que fut de Pepin, l'un des freres. Et cōbiē, que la Bourgogne fust dedans les limites de son Royaume, toutesfois il n'en fut pas Seigneur: ains elle demoura audit Roy Lotaire, soubz la foy, & hōmage deuz audit Roy Charles. SI ADVINT que le secōd Lotaire eut plusieurs filz: & entre autres Hugues: auquel il laissa la Duché de Bourgongne, avec les terres & Seigneuries qui sont dela la Saone, & que de present on nōme la Conté de Bourgongne. Et dient aucuns qu'il ne fut pas legitime. L'EDIT Hugues s'en vint demourer en France. Ces choses faictes, L'empereur

Lotaire



Lotaire mort en religion? & ses deux premiers filz demourez en Italie, ne pouuantz s'accorder ensemble : ains apres plusieurs batailles, L'aisné ayant faict mourir son second frere, mourut aussi tantost apres sans enfantz. COMBIEN doncques que par raison l'entiere succession deubt venir à Hugues toutes fois pource qu'il estoit simple homme (aussi qu'aucuns le tenoient pour illegitime) Charles le Chauue estant audit païs d'Italie, lors que lesdictz freres moururēt, s'empara de L'empire, & de L'Italie : & les tint iusques à sa mort que fut en retournant en France, LORS Charles filz de Loys Roy de Germanie, print, & occupa l'Empire : disant qu'il estoit filz du second frere de l'Empereur Lotaire : & qu'il y debuoit, paruenir plustost que les enfantz de Charles le Chauue, qui n'estoit pas frere de pere,

## L'ORIGINE DE

& de mere. CES choses faictes, pour  
 reuenir à la Bourgongne: Il est vray  
 que ledict Hugues delaiſſa vn filz nō-  
 mé Robert, durant le temps du Roy  
 Charles le ſimple, qui commença à re-  
 gner enuiron l'an 906. CESTVY  
 Robert fut commis par l'Empereur  
 Arnoul, filz dudit Charles Roy de  
 Germanie, & Empereur d'Italie, pour  
 defendre le Royaume de France con-  
 tre les Danois: & fut par eulx tué en  
 bataille.

DV DICT Robert fut filz le Duc Eu-  
 des de Bourgongne: lequel print, &  
 occupa le Royaulme, & la Couronne  
 de France, du temps de Charles le  
 Simple: & la tint iuſques à ſon tref-  
 pas: auquel il ordonna que le Royau-  
 me fuſt rendu audit Charles le ſim-  
 ple. Dudit Eude, ou Oddo, Duc, &  
 Roy ſont deſcenduz les autres Ducz de  
 Bourgongne. &c.

PAR CEST extraict il appert  
suffisamment, que l'aduocat qui  
a dressé les plaidoyer, & escritu-  
res desquelles il est tiré, & qui les  
à escrit, pour vn si grand Prince  
qu'un Roy de France: & en matie-  
re si importante, qu'il se y agissoit  
des Duché, & Conté de Bour-  
gongne, des Contez de Flan-  
dres, d'Artois, & autres Païs,  
n'auoit faulte de bonnes, & bien  
certaines instructions, prinſes au  
Thesaur des Chartres du Roy, &  
tiltres de la sacréſaincte Couron-  
ne de France. De maniere que ses  
discours, quant à l'histoire, ne  
peuuent, ny ne doibuent estre  
estimez autres que veritables.  
Et neantmoins ie ne doubte,  
qu'il n'y aura pas faulte d'hom-  
mes, qui ( ne trouuantz rien



L'ORIGINE DE

à leur gré, sinon ce que procede d'eux mesmes (chercherōt à y reprendre : & soubz ombre que le plaidoyer duquel nous sōmes en termes, contient quelques choses qu'il iugeront Paradoxalles, & contraires à la commune opinion : le comdanneront, plus tost, qu'il ne prendront la peine de le bien examiner. Mais j'espere d'ailleurs que les equitables, & plus certains amateurs de la verité Historialle, congnoistront cest aduertissement plus que digne d'estre receu, & remarqué comme chose rare, & malaysee à trouuer ailleurs. La louange en doibt estre double à nostre aucteur, d'auoir si dextremēt esclaircy vn point tant plain de contentions : & ce en vn temps que les lettres nestoient illustres comme de present : & que

la pluspart des liures de l'histoire de France n'estoiēt encores dressez, ny publiez.

Nous apprenons du mesme plaidoyer Royal, que ce Robert qui premierement fut institué Marquis d'Anjou: & la mis sur la marche de France (duquel mot de Marche, signifiant lisiere, & frontiere) les Marches que nous prononçons Marquis, ont prins leur denomination: & deulx (pouroit estre] les Marchaulx ditz à presēt Mareschaulx de France: que seroient ceulx qui par les Romains estoiēt nommez *Præfecti limitum*) pour empescher que les Bretons [lors liguez, & confederez avec les Danois Northmans] n'entraissent au Royaulme de France: & qui resista vaillamment aux efforts diceux Danois, n'estoit pas

## L'ORIGINE DE

Saxon: cōme plusieurs, & (entre autres) maintz hommes de sçauoir, & bien versez en l'histoire l'ont pensé. Ains qu'il estoit François naturel: filz de Hugues Duc de Bourgongne, filz de Lotaire deuxiesme Roy d'Austrasie, filz de l'Empereur Lotaire, filz de Loys debonnaire, filz de Charlemaigne. Est d'auantaige par lediēt extraict emēdé vn autre viel erreur: sçauoir est que lediēt Robert ne mourut pas cōbattant les Danois, pour le seruice du Roy Charles le Chauue: ains q̄ ce fut lōgtēps apres regnās Charles le simple, filz de Loys le begue, filz dudit Chauue.

Cela ainsy clairement resolu, pour aussi nous esclaircir du faict de Hugues: & montrer que Charles le Chauue luy fait tort, de luy imputer qu'il n'estoit pas legitime:



ie ne laisseray de passer, sans neant-  
moins le confesser, & dire avec la  
pluspart de noz historiens, que  
Lotaire filz de l'Empereur Lotai-  
re premier du nom ( car entre  
Henry v. & Conrad iii. nous trou-  
uons vn autre Empereur Lotaire )  
fut Roy d'Austrasie, & Lorraine: &  
qu'ayāt en premieres nopces Tiet-  
berge, il la repudia, & quitta, pour  
espouser sa bien aymee Valdrade.  
Mais ceste briefueté a besoing  
d'estre mieulx expliquee.

ENTRE ceulx qui ont escrit de  
Lotaire, filz de l'Empereur Lotaire  
les plus enciēs on parlé d'affectiō  
si transportee en faueur de Tiet-  
berge & pour cuider sauuer son  
honneur, & gratifier à ses parenz  
(qui estoiet des premiers de Frā-  
ce) qu'ilz se sont renduz contume-  
lieux enuers Lotaire mesme. Et les

## L'ORIGINE DE

modernes, au lieu de rechercher la vérité avec diligence: ont pluſtoſt accreu, & augmenté, que diminué les charges à ce Roy d'Auſtraſie, L'orraine, & Bourgongne la lecture de telles hiſtoires, me ſemblant aucunement ſuſpecte: & la faueur de toutes partz trop grande, pour releuer Tietberge de culpe, & l'attribuer à Lotaire: ie vins à iuger que les choſes teües par telz aucteurs, ſurmon-toient les exprimées. Sur ce ie me mis à cōſiderer le plus ſoingneuse mēt qu'il me fut poſſible, la verité des faietz: les diuiſer en parcelles: pour mieux eſpelucher, & tirer vraye congnoiſſance diceux: afin de par apres me reſouldre plus aſſeurément du totaige.

LA Y en fin trouué que de ceulx qui ont plus affectiōnemēt ſouſte

nu la cause de Tietberge: les vns  
ont de sanglante malice, les autres  
de pure ignorance, teù, & celé  
de qui elle fut fille: qu'est neant-  
moins le neud, & poinct principal  
de l'estat de la cause à grādissime-  
tort intentee contre Lotaire. Tri-  
temius seul (de tous ceulx des-  
quelz i'ay leu les escritz) m'a faiçt  
sçauoir, que Tietberge estoit fille  
de Charles le Chauue, frere de  
Lotaire Empereur, pere de cest  
autre Lotaire Roy d'Austrasie: &  
par cōsequēt que le mary, & la fē-  
me estoient Cousins germains, en-  
fantz des deux freres: qu'est degré  
prohibé de droict: & auquel il  
n'est loisible contracter mariage.  
Que s'il est aduenue que quelques  
vns ainsy proches, se soiēt mariez  
ensemble: comme cela auoit esté  
faiçt d'inconfideree volonte: ain-



L'ORIGINE DE

syail esté honteusement dissolu,  
par meur iugement de l'Eglise,  
quand elle en a esté aduertie: &  
noz histoires abondent de telz  
diuorces, & separations.

CE PROPOS m'inuite à dire (cō-  
me par maniere d'aduertissement)  
que noz Chroniqueurs, & Anna-  
listes, semblent auoir esté vn peu  
paresseux en la recherche exacte  
de tous les enfantz de noz Roys.  
Car (oultre ce qu'ilz n'ont pas mis  
Tietberge entre les enfantz de  
Charles le Chauue Empereur, &  
Roy) encores n'ont ilz point faict  
mention de son filz Hucbert, ou  
Humbert: ny de ses autres freres,  
& seurs.

LA proximité du parētaige: ren-  
dant odieux le mariage de Lotai-  
re, & de Tietberge: remonstrence  
fut sur ce faicte aux Archeues-

ques de Colongne, & de Treues  
Metropolitains d'Austrasie: avec  
plaincte que Tietberge estoit in-  
habile à porter enfantz: aucuns y  
adiouxtent accusation d'impudi-  
cité, Ilz iugerent les causes de  
separation estre raisonnables:  
& meirent Lotaire en pleine  
puissance de se remaryer. Ce qu'a-  
yant obtenu, il espousa Val-  
drade.

IE NE veulx icy taire, que le,  
preallegue Triterius en son his-  
toire *Monasterij hirsaugiensis*, racō-  
te, que telle separatiō de Lotaire,  
& de Tietberge, occasionna  
beaucoup de maulx au Royau-  
me d'Austrasie: & engendra vne  
fourmilliere d'ennemis à Lotai-  
re. Car Hucbert nous disons  
Humbert) Conte, & Gouver-  
neur d'Alsatie, & des Pays

L'ORIGINE DE

d'autour de Geneue , homme faige, & valeureux: vni avec ses freres, ou beaulx freres, suscita vne action contre Lotaire, & le feit appeller pardeuant le Pape Nicolas premier: qui le cōdamna par coutumace, l'excōmunia, & sa nouuelle femme Valdradeaussy.

CE ne fut assez: car Gontier Archeuesque de Colongne, & Tiedgaud Archeuesque de Treues ( qui vsantz de leur Iustice ordinaire, auoient esté Iuges de la susdicte separation ) furent deposez de leurs dignitez Archiepiscopales. Tant l'autorité du souuerain Euesque de toute la Chrestienté estoit lors respectee! & les Iuges souffroient penitence pour les pretenduz faulx tesmoings, lesquels ce n'est à eulx de contredire, ny de reprocher.



QVoy qu'il en deubt aduenir,  
Lotaire retint sa Valdrade, & en  
eut plusieurs enfantz : entre les-  
quelz fut Hugues : qui du com-  
mencement n'estoit que Duc, &  
Conte de Bourgongne : puis re-  
congneu, & aduoué filz legiti-  
me de Lotaire, luy succeda au  
Royaulme d'Auftrasie, & de Lor-  
raine. Et si Charles le Chauue luy  
feit tort, en s'emparant de l'Empi-  
re, il n'en eut pas longue ioyssan-  
ce, & ne le garda pas long temps.

IE LAISSE à dire que Lotaire  
pere de Hugues, sollicité par di-  
uerfes exhortations des Ecclesia-  
stiques de son temps, feit assem-  
bler plusieurs Euesques, aux fins  
de s'esclarcir des censures fulmi-  
nees contre luy : & comme il s'en  
debuoit resoudre. Je passe soubz  
silëce que la pluspart estimoient

## L'ORIGINE DE

que n'ayant rien faict en son nouveau mariage, au mespris de l'Eglise:ains se y estât aidé de l'autorité de ses Euesques, & Metropolitains, & y estant entré par leur sentence:il estoit hors de culpe. Autre maintenoient à pied ferme, que l'excommunication, comme que ce soit iectee,estoit redoutable. Bien sert il à nostre propos de dire qu'il alla à Rome, pour se faire absouldre, ce qu'il obtint, avec confirmatiō de son dict mariage. Mais retournant en ses Pays il mourut.

AVRESTE ie me plaignois tãtost que noz Croniqueurs, & Annalistes Frāçois ont le plus souvent negligé la deduction des lignes colateralles de Frāce: & cōtentz de suyure la ligne droicte

qu'ils ont choisie:& parler principalement des Roys, puis par maniere d'acquit, des plus ordinairement en credit, faueur, & estatz aupres d'eulx:nous ont laissé à diuiner le surplus:& facilité la voye à ceulx qui par soubz terre nous ont faict venir en euidence des noms de Princes qui n'eurent iamais de corps:& des corps qui ne furent iamais enfantz de la maison de France. Si autrement ilz eussent faict, nous scaurions clairement, & tiendrions par asseurance, que (comme nous l'auōs desia touché) de Hugues Roy d'Austrasie, & de Lorraine, Duc, & Conte de Bourgongne, chief, & souche de la maison de Bourgongne, de laquelle sont procedez les Contes d'Anjou,



# L'ORIGINE DE

& de Poictou : fut filz Robert de  
 Bourgongne , estably premiere-  
 ment Marquis Officier d'Anjou  
 par l'Empereur Arnoul , protec-  
 teur de la France. Et lequel Ro-  
 bert ( apres auoir faict bõ, & loyal  
 debuoir, à la garde de sa Marche,  
 & frontiere ) obtint l'Anjou en  
 propriété : & son office de Mar-  
 quis, fut conuerti en estat de Con-  
 te. Sur quoy il y a cause de s'es-  
 bayr, comment depuis il est adue-  
 nu, que le tiltre de Marquis soit  
 plus signalé d'hõneur , que celuy  
 de Conte: veu que Robert laissa  
 la qualité de Marquis, pour deue-  
 nir Conte. Car Conte n'estoit  
 lors, que ce que nous disons de  
 present Bailly, ou Seneschal. Mais  
 iestime que Robert ayma mieulx  
 auoir le tiltre de Conte en pro-  
 priete , & avec tous droictz, sans

aucu-

aucune reſerue, que du fied, & hōmage, & dela ſouueraineté, que d'eſtre Marquis par office, ou benēficièrement.

CE QVE i'ay cy deſſus furnommé ce premier Conte d'Anjou Robert de Bourgōgne ſera (ſcay ie bien) mal receu de ceulx, ou qui (à grandiffime tort] l'ont pēſé, & le croyent Saxon : yſſu de ce VVitiKind chef des Saxons, qui tant de fois ſe rebella cōtre Charlemaigne : ou qui [ apres auoir congneu que la raiſon des temps repugnoit que Robert fut filz dudit VVitiKind ] en ont inuenté vng autre, & ſecond, qu'ilz diſent eſtre venu en France, au ſeruice de Charles le Chauue, & auoir amené avec ſoy ſō filz Robert, qui fut commis à la garde d'Anjou. Mais que ſert il d'aller mēdier ve-

# L'ORIGINE DE

rité vers l'estrangier, & instructiōs  
 en noz propres affaires, vers des  
 hommes diuers en opinions: veu  
 que nous auons es Archiues de  
 ce Royaulme, & au Thesaur des  
 tiltres de nostre Roy, la certitude  
 de cela que nous desirons: Puis  
 que il nous appert par les escritu-  
 res Royalles (ausquelles l'ēnemy  
 n'a sceu veritablement que oppo-  
 ser) que Robert estoit filz de Hu-  
 gues, filz de Lotaire: & que cest  
 Hugues eut pour son appanaige  
 la Bourgongne, serons nous si te-  
 meraires que de les desmentir?  
 Ignorons nous que la Loy des ap-  
 panages de France porte (s'il n'ya  
 traicté solennel y derogant) que  
 les enfantz de l'appanagé, & les  
 leurs doiuent porter furnom de  
 l'appanaige? donc Hugues ayant  
 eù pour appanage la Bourgōgne



il a esté necessaire que Robert son filz ayt eù le furnom de Bourgogne: comme aussi eust Eudes, ou Oddo, filz dudit Robert. Les annales de France abondent d'exemples seruantz à la verification de ce propos: & le sieur Greffier du Tillet l'explique suffisamment.

D'AVANT AIGEN non seulement les premiers Côtes d'Anjou, mais aussi les bien anciens Contes de Poictou, estoient yssuz de la maison de Bourgongne. Ainsi (à fin qu'ilz ne semble que ie parle sans aucteur) le tient le Seigneur de la Haye, lieutenant general de Poictou, en ses memoires, & recherches: ou il rend raison de son dire. Notamment la parité, & semblance (ou peu s'en fault) des armes, y sert de tesmoingnage. Auquel i'ay à plaisir d'adiouxter foy, en

L'ORIGINE DE

faueur de Monsieur le conte de Sanzay, Viconte hereditaire de Poictou, &c, Seigneur que ie hōnore, pour les vertuz, & signalées qualitez d'honneur qui sont en luy: & enuers lequel ledict Seigneur de la Haye a eü iuste occasion de se monster affectionné.

Pour reprendre nostre principal propos Cest article bien verifié que Robert premierement Marquis par deputatiō, puis Conte en proprieté d'Anjou, fut filz de Hugues, filz de Lotaire Roy d'Austrasie, filz de Lotaire Empereur, filz de Loys debonnaire, fils de Charlemaigne: il me semble estre tēps de respōdre à ceulx qui ont pensé & ont imputé audict Hugues qu'il estoit illegitime, & bastard. Car il ne m'est possible croire, que ceulx qui ont eü l'au-

dace, ou plustost malignité, de cō-  
trouuer au peril de leur honneur,  
ou adherer aux cōtrouueurs, que  
le siege Royal, ny les principaulx  
fleurons de la Couronne de Frā-  
ce (ie parle des signalez de fleurs  
de lis) ayent este souillez de ba-  
stardaille (sans que le tiltre de ba-  
stard soit demouré conioinct, &  
inherent à leur propre nom : & la  
barre empreinte en leurs armes)  
ayēt le cœur genereux, ny l'affec-  
tion de vray François. Aussi au-  
tant de fois qu'il l'ont osé dire,  
ou escrire, autant de fois ont  
ilz esté contrainctz de se contra-  
rier eulx mesmes, sans s'en apper-  
cevoir : & la verité a vaincu leur  
obstination. Tant vne opinion  
prinse trop affectionnément, es-  
tourdit les espritz des trop opi-  
niastres.



## L'ORIGINE DE

ENCE RANG doibuët estre mis ceulx qui [ pour fauoriser le parti de Boson ] ont mis en auât, escrit, & publié pour chose certaine, que Loys, & Carloman freres, filz de Loys le begue Roy de France, estoïent illegitimes, & bastardz. Cōtre lesquelz asserteurs de choses faulses, i'ay dressé au liures de mes Meslanges Paradoxalles, vn chapitre tout expres: pour montrer qu'a la verité ilz estoient enfantz legitimes dudit Roy Loys le begue leur pere, & de Aufgard ou Aufgarde sa vraye, & legitime fēme: & que cōme telz, ilz furent declairez ses loyaulx heritiers.

MAINTENANT que les estrangers ont introduit vne autre non moindre calonnie contre nostre Hugues: & qu'elle est creüe, & embrassée cōme vraye, par quelques plus François de naissance,

que de bonne affection: Il me semble tresque raisonnable, d'infirmier leur opinion: & montrer comme eulx mesme se contredisent, par faulte de y auoir bien pensé, & preueu ce quilz auoient à dire. le zele qui me pousse à soustenir l'honneur de la Couronne de France, du siege Royal, & de la vraye souche de ceste race de noz Roys (desquelz ie suis treshumble subiect, & tresobeissant seruiteur] me contrainct ainsi en parler: & trouuer indigne, que les Frâçois naturelz soient si desnaturez, que de blasmer [nō que souffrir mesdire] du vray tronc de celle generation de noz Roys, que les modernes appellent Capeuings.

A VTRE, & plus fauorable a esté l'affection des Atheniens, & des autres Grecz. Tant s'en

## L'ORIGINE DE

fault qu'ilz ayent rien diminué de l'estimation de leurs Princes: qu'ilz les ont publié plus grandz qu'ilz ne furent iamais: voire iusques à referer l'origine, & extraction d'iceulx à leur souuerain Dieu Iupiter: à Neptunus, à Mars, à Hercules, &c. Autant en ont fait les Romains: qui ont affirmé par escritz que Remus, & Romulus fondateurs (ou du moins restaurateurs) de leur ville, estoient filz de Mars: Cornelius Scipion dit Africain filz de Iupiter: Iules, & Auguste Cæsars estre de la race d'Æneas filz de la Deesse Venus. Et cela a esté si communement creu à Rome, que non seulement les Poëtes, mais aussi les plus renommez Historiens, en ont farci leurs liures: sans craincte de pour cela acquerir la reputatiõ de mē-



songiers. Mais venons au poinct,  
& iugeons de la solidité du cer-  
ueau de noz abastardisseurs de  
Roys, & Princes du sang de Fran-  
ce : sans neantmoins repeter icy, ce  
que nous auons dit autre part cō-  
tre eulx , en faueur de Loys , &  
Carloman freres, enfantz legiti-  
mes, & en ce nom vrays heritiers  
du Roy Loys le begue : desquelz  
le faict a grande conformité avec  
celluy de nostre Hugues Roy  
d'Austrasie, & Duc de Bourgon-  
gne.

CEVLX qui adherēt au bruiet,  
& querelle que Charles le Chau-  
ue (l'vn des plus superbes, & am-  
bitieux que l'on trouue entre noz  
Roys de France ) dressa contre  
Hugues son nepueu : pour à ce  
pauvre homme simple, & sans  
repulse , enleuer l'Empire de

## L'ORIGINE DE

Rome, & le Royaulme d'Italie dont la Iustice diuine ne permit qu'il iouyst longuemēt) confessēt que Tietberge femme de Lotaire, soupsonnée d'impudicité, & au reste d'estre sterile, fut par luy repudiée: & que au lieu d'icelle il print Valdrade: & en eut Hugues, pour lequel nous auons dressé ce discours, aux fins desia declairées. Silz disent qu'icelluy Lotaire n'es-pousa pas Valdrade: pourquoy doncques estriuēt ilz les vns, que Pape Nicolas premier, les autres Leon iiii. ( tant ceste histoire est variablemēt tracassée ) deposa de leurs dignitez Gōthier) autres disent Gauthier ) Archeuesque de Colongne aucuns ont dit de Mayance, & Thiegaud Archeuesque de Treues? autre cause ne nous apert de leur deposition que pour auoir dressé, & authorisé ledit ma-

riage. Silz l'auoiēt dressé, & autho-  
risé [ eux estāt muniz du pouuoir  
d'Archeuesques, & telz qu'ilz e-  
stioiēt en la hierarchie Ecclesiasti-  
que ] à qui est ce à doubter, que le  
mariage ainsi cōtracté soit bon, &  
nō dissoluble, apres la cōsomma-  
tiō d'icelluy, & lignée en estāt en-  
suyuie; laquelle lignee respectée  
par publique hōnesteté, est cōmu-  
nemēt fauorisee par tous droictz?  
d'auātage la sētēce de repudiatiō,  
& dissolutiō pronōcée, & le diuor  
ce fait avec Tietberge: il me sēble  
[ sans autrement l'affirmer ] que  
Lotaire fut mis en pleine liberté  
de ce remarier: & que Valdrade,  
femme libre, & non obligée par  
autres veuz, estoit plus habille,  
que Bersabée femme de Daud  
pour estre legitime espouse de  
Lotaire, qui desiroit estre pere: ce



## L'ORIGINE DE

qu'il ne pouuoit deuenir de Tietberge, femme sterile, & qui n'eut onques enfantz. Quoy qu'en soit, il n'auoit empeschemēt, que l'interuentiō de l'autorité des deux glaiues, spirituel, & temporel neussent leué, & tolli. Le pouuoir des Archeuesques, & Metropolitains auoit fourni l'absolution, & la dispēse: & la puissance Royal auoit ceste part estendu sa plénitude.

P O V R le faire court: Il ne fault tant s'arreter aux exactes rigueurs de droict, que les Latins appellent *Sommum ius*: que à remarquer les licēces que les Roys de ce temps là (& encores plus les precedētz) festoient donné, de viure en sorte que leur volonté seruoit de Loy. Et si les vns auoient esté licētieux en leurs manieres de faire les au-

tres ne vouloient qu'on pensast que les loix fussent establies pour eulx seulement. Et quant aux mariages: toutes Histoires nous font à plain sçauoir, que les plus vicilz Roys de France sen sont accomodé ainsy qu'il leur a pleu.

LA POLIGAMIE, c'est à dire pluralité de femme, estoit coustumièrè entre eulx: sans que telles nopces fussent lors tenues', entre les lays, pour illegitimes: ny que les enfantz des secondes femmes, viuantes encores les premieres, laissassent d'estre reputez filz, & loyaulx heritiers des Roys ainsy plusieurs fois mariez. Et le commun erreur, auoit gaigne, & acquis vigueur de droit.

QV'AINSI soit, qu'on lise l'histoire du Roy Clotaire premier du nom: on trouuera qu'il auoit

## L'ORIGINE DE

tout en vn tēps espousé les deux  
 seurs: & qu'il n'estimoit pas que  
 Arigunde fust moins sa femme,  
 que Ingunde l'aînée seur, & pre-  
 miere fēme. Aussi Chilperic leur  
 filz fut son successeur, & eust cō-  
 me heritier le Royaulme de Soif-  
 fōs. Chariber ou Aribert Roy de  
 Paris, repudia sa premiere femme  
 Ingoberge, ou Nigebride: & elle  
 viuāte, espousa deux seurs, Mero-  
 ftede, & Marcoueife, filles d'un  
 Cardeur de laine: & de leurs viuāt  
 espousa pour sa quatriesme fēme,  
 vne fille de bergier nōmee Theu-  
 dichilde. Mais il fault parler de  
 faictz semblables.

DAGOBERT premier du nom  
 auoit eu pour fēme Cometrude,  
 & ce plus pour obeïr à sō pere, q̃  
 de sa propre volōté. Sō pere mort  
 il la laissa cōme sterile, & espousa



Nantilde, de laquelle il eut Clo-  
uis, qui luy succeda au Royaulme.  
Quelz faiçtz ( en matiere de ma-  
riage ) peuuent estre plus sembla-  
bles, que ceulx de Dagobert, du-  
quel nous sommes en propos, &  
de Lotaire, pour lequel nous y sō-  
mes entrez; Dagobert se separa de  
Cometrude, par ce qu'il la main-  
tenoit sterile, & print Nantilde:  
Lotaire obseruateur du debuoir  
de Christien, eut recours à ses su-  
perieurs, quand à la cōsciēce: leur  
exposa que Tietberge n'estoit ap-  
te à faire enfāz: il fut separé, & ma-  
rié à Valdrade: que y a il desāpart  
qu'ō puisse reprēdre; Si Clouis filz  
de Dagobert a este estimé legitime  
& est encores tenu pour tel, sās cō-  
tradiçtiō: & s'il a este trouué capa-  
ble d'estre Roy de Frāce q̄ peult  
empescher q̄ hugues filz de Lot. &

# L'ORIGINE DE

de Valdrade (toutes les circonstances premises bien pesées) ne soit tenu pour legitime? C'est vne dure loy, quand elle est si partialle, qu'elle concede aux vns, ce que en cas pareil elle desnie aux autres! C'est (di ie en outre) vn grand cas, qu'il ya des hommes si accoustumez à contrarier, & à mesdire, que sortans hors des gons de raison, il ne leur chaut qu'ilz dient, pourueu qu'il seruēt à leur affection: & leur affection est si indiffrette, qu'ilz n'en preuoient la consequence, ny le preiudice de leur mis en auant. Je croy bien que ceulx qui se sont laissez decevoir par les exceptions que Charles le Chauue allegoit contre nostre Hugues, n'ont pensé, ny preueu, que ledict Hugues estoit legitime, par les raisons sus alle

gues

gues. Moins ſçauoient ilz qu'il fuſt autheur, & principe des Princes de la renouuellée maiſon de Bourgongne: deſquelz proceda Hugues Capet Roy de France, ſource, tronc, ou ſouche de noz Roys de ceſte troiſieſme generation, dicté modernement des Capégiens, ou Capeuingues.

IL VAVLT doncques mieulx pardonner au temps, & à la licēce que noz Roys ſe donnoient pour lors, quand leurs conſcience n'eſtoient encores aſſez ſuffiſammēt illuminées de la grace du S.eſprit: pour en tout, & par tout, ſ'aſſubiectir aux ordōnances diuines, & determinatiōs de Sainte Eglise: que d'eſtre trop exactement curieux des prealleguées licēces de noz Roys. Et pleuſt à Dieu, que quelque ſouuerain chiefz de l'E-



L'ORIGINE DE

glise Christiëne, eussent esté plus liberaulx pardonneurs, & indulgentz Peres, que trop partiaux, à soustenir irremissibles des fautes, qui expiées paternellemēt, eussēt peù retenir des Royaumes (à present separez) en leur obeïssance, & en l'vnion Catholique.

AVRESTE, & à fin de r'entrer de plus droict fil en nostre principal propos: cessent les Critiques, & Censeurs susdicts de profaner le sanctuaire de noz Roys: cessent d'oultraiger les Christz (c'est à dire les oingtz (de Dieu. Sachant que mesdire des princes souuerains, & les publier yssuz de bastardaille, nest moins encourir crime de lèse maïesté, que de leur cracher au visage, ou leur arracher la barbe. Cela di-ie des inuenteurs tant de impostures cōtrouuées contre

nostre Hugues: que des publiées  
par escrit contre Loys, & Carlo-  
man freres, & Roys de France.  
Et quant à ceulx qui les rappor-  
tent, & y adherent: ilz eussent  
moindry leurs faultes, s'ilz eus-  
sent allegué les auteurs, en la  
suffisance desquelz ilz se sont fon-  
dez: & s'ilz les eussent donné pour  
cautions. Attendu que celluy pe-  
che moins, qui se foruoye par la  
faulte de sa guide. Ioinct que tout  
homme de bon sens, & de solide  
iugement, trouuéra que la cer-  
uelle est defecteuse en ceulx, qui  
opiniastre à n'opprouer les secō  
des nopces de noz vieilz Roys,  
viuante la premiere femme, criēt  
neantmoins que Loys, & Carlo-  
man filz de Loys le Begue, nez de  
sō premier mariage avec Ausgard,  
ou Audegarde, estoient bastardz.

L'ORIGINE DE

Mais ie referue à demesler ce point quelque autrefois, & ailleurs.

OR NE doubté ie pas que les imbuz d'opinion contraire à celle que i'ay extraict des escritures du Roy Loysxi. employées pour defences, contre la demande de Madame Marie de Bourgongne Archiduchesse d'Austriche, n'espargnerōt vne forte, & ferme negation, pour mettre en ny, que ledict extraict soit prins du lieu d'ou ie le vent. Mais silz ont tant de credit, que d'entrer en la Chābre des tiltres, & papiers du Theſaur du Roy: ou moyen d'ailleurs de recouurer copie desdictes escritures, ilz se verrōt satisfaietz: & trouueront que ce que i'ay transcrit, & inseré au present discours, en est fidelement extraict.



Pour ces causes, ie ne craindray de persister au soustenement d'icelles escritures:&ne feray refus de dire, que Robert de Bourgogne, Conte d'Anjou, fut filz du souuent nommé Hugues, & petit filz de Lotaire, & de Valdrade sa femme legitime, & espousee. Aussi puis ie asseurer pour verité, que ledit Robert eust trois filz : Eudes, ou Odde Duc de Bourgogne, & Conte d'Anjou, qui fut Roy de France : Robert Conte de Paris, Maire du Palais, & qui sefeit coronner Roy, & sur ceste querelle, mourut en bataille pres Soissons: letier fut Theodorich, ou Thieri Conte d'Aun.

APRES le trespas de Charles le gros, qui auoit remis son Empire à Arnoul son nepueu: les haultz

## L'ORIGINE DE

Bers, & Barons de France voyãtz  
le Royaume de France destitué  
de bon, & suffisant protecteur:  
qui (puisque Robert de Bourgõ-  
gne Conte d'Anjou estoit mort)  
peust faire teste aux cruelz, & in-  
humains Corsaires, & rauageurs  
les Danois Northmans: esleurent  
Eude (qui aussi est dit Odde) de  
Bourgongne, filz dudiect Robert,  
pour succeder à son pere, en la  
bonne volõté qu'il auoit dexter-  
miner ladiecte vermine de Danois.  
A quoy il s'employa de si valeu-  
reuse affection, qu'il gagna sur  
eulx plusieurs batailles. L'admi-  
ratiõ de ses valeurs fut telle, que  
de protecteurs de François, il de-  
uint leur Roy. Toutesfois sur la  
fin de ses iours, se voyant sans en-  
fantz, il fut touché d'un remors  
de consciẽce, qui l'incita de quit-

rer la Couronne de France, & en  
ceder le droict qu'il y pouuoit a-  
uoir, au vray heritier d'icelle,  
Charles surnommé le simple, filz  
de Loys le begue, de son second  
mariage.

C O N T R E telle declaratiõ, im-  
portant cession, & renonciation,  
Robert de Bourgongne, & Con-  
te de Paris, se formalisa par expres:  
allegāt que le Roy Eude son frere  
refusoit quand il ceda, & transpor-  
ta son droict: & qu'il ne pouuoit  
resigner, ny remettre le tiltre de  
Roy, sans le gré, & consentement  
des Estatz de Frâce, aussi solēnel-  
mēt cōgregez, que quand il auoit  
esté eslu. Disoit d'auantaige que  
de faillant ladicte solēnité, l'acte  
faict en priué, debuoit estre & de  
faict estoit nul. Et par conse-  
quēt que luy (ie parle de Robert)



## L'ORIGINE DE

demouroit le plus habille á succeder, capable des droictz, & digne de se porter pour heritier de son frere. En ceste resolution, & fauorisé de son parentage, qu'il auoit grand au coeur de la France: il se feit couronner Roy: & entreprint de faire teste à Charles le simple. Vne bataille vuida le differēt, la pluspart des Pairs, & haultz Barrons de France trouuerent mauuais, que ce Robert se voulust preualoir, & penser rendre hereditaire, ce que la grande necessité des affaires de l'estat auoit contrainct les Frāçois attribuer, ou pluſtoſt cōmettre, à la valeur, & ſaige conduicte de Eude son frere. Auec cela preuoyantz que (puisque Robert meſpriſoit d'eſter à son debuoir enuers son naturel ſeigneur Charles le ſimple:

& qu'il negligeoit l'autorité des Eftatz, & de la Cour des Pairs) on ne pouuoit efperer de luy autres chofes que audaces, & volontež. Cela les feit refouldre au parti de Charles le ſimple : & à ſ'armer pour n'auoir pour leur Roy, celuy qui le vouloit eſtre par force. Sur ce (comme les hommes font la guerre, & Dieu dōne la victoires) les armées ſe rencontrerent pres Soiffons : & d'autant que le droit de Charles le ſimple eſtoit le meilleur : auſſi emporta il ſi ample victoire, que Robert tué ſur le champ, la querelle fut pour lors terminée.

LES droitz que ceulx de la maiſon de Bourgōgne pretendoient auoir en la courōne de Frāce, euſſent eſté reſoluz, & aſſouppiz eternellement, ſi Charles n'eufſt

## L'ORIGINE DE

esté si simple ( & de là print il son  
surnom ) que de se mettre incon-  
siderémēt entre les mains de He-  
ribert, ou Herbert Conte de Ver-  
mādois, beaufrere de Robert de-  
funct : qui le retint si à l'estroict  
prisōnier en la grosse tour de Pe-  
ronne, qu'il fut contrainct de ce-  
der, & quitter son sceptre, sa cou-  
ronne, & son Royaulme, à son fil-  
leul Raoul de Bourgongne, filz  
de Richard, filz de Theodoricz,  
ou Thierry Conte d'Autun : au-  
quel Richrad ledict Thierry son  
pere auoit desia faict prendre le  
tiltre de Roy de Bourgongne,  
par despit de Boson, filz Beuues  
Conte des Ardennes: que Char-  
les le Chauue son beaufilz auoit  
faict eslire Roy de Bourgongne,  
& luy en auoit passé inuestiture.  
I E S C A Y q̄ les hōmes de pouuoir



ont des moyens pour pratiquer  
ceulx qui se meslent d'escrire : &  
n'ignore pas, que en c'este sorte,  
ou Herbert de Vermandois mes-  
me, a peu gaigner des persōnages  
lettrez ou ses parentz ont trouué  
moyē de supprimer son infamie.  
Le premier quant à la trahison, &  
infidelité dont il estoit accusé : &  
les autres touchant la punitiō qui  
s'en est ensuyuie. Mais tandis que  
le monde durera , il y aura vn  
mont, qui pour autre cause ne fut  
nommé Hebert, que pource que  
Hebert y fut pēdu. De mesme en  
ont vsé les successeurs de Gānes,  
ou Gannelon Conte de Mayan-  
ce: qui n'ont eū faulte de persōne  
à leur deuotion, qui transferent  
le Prouerbe Frāçois *Traistre com-  
me Ganelon*, & l'ōt attribué de nou-  
ueau à vn Archeuesque de Sens:

masses , procreez de son corps : les François feirēt reuenir en Frāce Loys dit d'oultre-mer , filz de Charles le simple : que Ogine sa mere, seur du Roy Anglois, auoit faulué, & conduit en Angleterre, apres quelle eut entēdu la prison dudiēt Roy Charles son mary, & pere de l'enfant. Si tost qu'il fut de retour, les François aydez de là faueur, & soustenuz par Guillaume longue-espee, Duc de Normandie , le feirent ( tout enfant qu'il estoit ) sacrer, & Coronner Roy de France : au grand desplaisir , & creuecoeur de Hues le grand Conte de Paris , & filz de cé Robert qui fut frere de Eude de Bourgongne , peu au parauāt Roy de France.

C'EST Hues, ou Hugues surnommé le Grand , par ce qu'il

# L'ORIGINE DE

estoit grand Abbé de S. Denis, de S. Germain des Preys, & de S. Martin de Tours ( reuenu desquelz benefices employé à soldoyer, & entretenir des gens de guerre, seruit ( comme dit Aimoinus Monachus ) de marchepied à Hugues Capet, pour monter au throsne Royal, & ce faire Roy de France) auoit grande enuye de reprendre les arres de son feu pere, pour se faire Roy. Mais ce qu'il ne peut bien conduire pour lors, Hugues Capet son filz le meit si dextrement à execution, que de Maire du Palais, Duc de Bourgongne, & Conte de Paris, il se feit coronner approuuer, & proclamer Roy des François. Et en luy fut transféré le Royaulme de la ligne de Charles le Chauue, en celle de l'Empereur Lotaire, filz aîné de



Loys debonnaire.

SI DE ce que nous venõs de dire, quelques particularitez sont demourées obscures, & moins que appertement expliquées par ceulx qui en ont escrit: si est ce q̃ le gros du ieu, scauoir est que le sceptre François fut transferé de la ligne de Charles le Chauue, dernier filz de Loys debonnaire, en celle de Lotaire premier filz: & comme Hugues Capet l'emporta du gré, & par l'approbation des Estatz de France: cela est si commun, & tant chanté par noz Croniques, & Annalles: & si à plain testifié par les escritures du Roy Loys xi. prinſes pour nostre fondement: qu'il me semble n'estre besoing d'en amplifier ce discours.

L'ORIGINE DE

ET QUANT à prouuer que Hugues Capet estoit de la maison de Bourgongne : outre ce que nous en auons deduiet : & sa descendance de pere à filz, le fondement de la querelle que Robert s<sup>on</sup> filz print pour oster la Bourgongne à Landry Conte de Neuers, & la donner à Henry son frere, y peuuent satisfaire.

QUE si cela ne suffit, i'ay en main copie de la Chronique de L'abbaye de S. Benigne de Dijon : laquelle contient que Herbert Conte de Vermandois (celuy qui feit mourir Charles le simple) estant tombé en different avec le Conte de Chartres, d'autant que tous deux aspiroiēt à la Couronne de France : leur contention despleut tant aux haultz Barons de Frâce, qu'ilz ne voulurent aggréer

I'vn,ny l'autre : ains esleurent de commun accord Raoul , filz de Richard Duc de Bourgogne : qui commença à regner l'an 926. la-dicte Chronique porte d'auantage, que ce Roy Raoul ( confessé partous Bourgongnon ) mourut sans enfantz : & que Hugues son frere germain , fut apres luy Duc de Bourgongne. Plus cest Hugues eut vn filz , appellé Sislabert : qui ne laissa qu'une fille , mariée à Othon filz de Hue le grand , & frere de Hugues Capet. Cest Othon mort sans enfanz , vn autre sien frere nommé Henry, luy succeda, & fut duc de Bourgongne.

VENVZ iusques á ce poinct : nous pēsons auoir attainct le but de noz intentions presentes : & montré suffisamment, que Char-



# L'ORIGINE DE

lemaigne fut pere de Loys de bō-  
 naire : cestuy pere de l'Empereur  
 Lotaire , qui fut pere d'un autre  
 Lotaire, qui de Valdrade sa secon-  
 de femme , eut Hugues, premie-  
 rement Duc , & Conte de Bour-  
 gongne, puis Roy d'Austrasie , &  
 de Lotaire : que cest Hugues fut  
 pere de Robert de Bourgongne  
 Conte d'Anjou: qui eut trois filz:  
 scauoir est Eude Duc de Bourgō-  
 gne, & Conte d'Anjou, puis Roy  
 de France: Robert Conte de Pa-  
 ris : & Theodorich, ou Thierry  
 Conte d'Autun: d'auantaige que  
 ledict Robert Conte de Paris fut  
 pere de Hue, où Hugues furnom-  
 mé le grand, pour les raisons sus-  
 dictes. Finablemēt que cest Hue,  
 ou Hugues fut pere de Hugues  
 Capet Roy de France: en faueur

duquel le present discours a esté dressé: pour montrer que de pere à filz il est descendu de Charlemagne. Mais d'autant que cela paroistra plus intelligiblemēt, par vne table genealogique: ie suis d'aduis d'en mettre vne à la fin de ce discours.

C E P E N D A N T, & pour faire fin ie prie les lecteurs (si toutesfois, comme dit Macrobius, quelqu'un daigne lire ce mien petit traicte) admirera avec moy, la diuine prouidence: laquelle par vne plus-que saige cōduicte, dispose des Royaulmes en sorte quelle guide la vicissitude des choses & faict par vn indicible secret retourner les Empires, Royaulmes, principautez, & Seigneuries, là d'ou elles sont autresfois

## L'ORIGINE DE

yssues. T'en parle ainsi par ce que le Royaume de Bourgongne ayant esté attiré, vni & incorporé à la Couronne de France, par Clouis premier Roy Christien des François, lors qu'il espousa Clotilde fille & heritiere de Chilperich Roy de Bourgogne sortit de la ligne directe de Charles le Chauue Roy de France: & avec la Couronne Françoisise retourna au tronc de la maison de Bourgongne qui fut Hugues Capet, duquel la race dure encores en nos modernes Roys de France: en la puïssance desquels la propriété de la Duché de Bourgogne qui en auoit esté separée, est retournée de plain & y est reuue. I E P O U R R O I S dire d'auantage, que la premiere lignée de noz Roys, que l'on à cōmencé de



nommer Merouinges, meflée au fang de Bourgongne és enfans du Roy Clouis premier du nom, & de Clotilde de Bourgongne: les autres deux des Carlouinges, & Capeuinges, font tōbées és Princes de Bourgongne: ſçauoir eſt Pepin, & Hugues Capet, Que Pepin ( encores qu'il ſoit tenu pour Prince Auſtraſien ) fut libre Seigneur de Bourgōgne, ie l'ay aſſez declaré en mes Commentaires de Maſcon, meſmement quand parlans de l'Eueſque Donnolus, i'ay faiât mention des priuileges concedez par lediât Pepin à l'Egliſe d e Maſcō: iceluy nō encors Roy , ains ſe intitulant ſimplemēt Prince , & ſes lettres donées à Mets le premier an de ſa Principaulté , & quant a Hugues Capet, il eſt aſſez veriſié de la maiſon

L'ORIGINE DE  
de Bourgogne .Ainsi il est faci-  
le conclure que

Redeunt ad proprios freta recursus.

